

յանկարծ յարձակուի. կէս գիշերը բաւական անցնելէ յետոյ՝ աստիճանաբար պահապաններու ձայնը կը նուաղէր մինչև վերջին լուսթեան հասնելը, որովհետև գիշերը գէպի լոյս ընկնելու պատճառով՝ թշնամու արշաւանքը այլ ևս չէր կարող տեղի ունենալ, անյաջողութիւններու չենթարկուելու համար. այս ժամանակ ցեղի որդիները կը կարողանային հանգիստ քնել: Մ. ցեղապետին այցի եկող բոլոր երկրորդական ազնուականները և կամ հաւասարապատիւ բարեկամ էլ-աղասի ցեղապետները կը քնէին Աշիրաթապետական վրանի հիւրասիրական ընդարձակ բաժնին մէջ. անոնց համար կը բերուէր թաւիչէ թանձր ու կակուղ անկողիններ ու ապրչումէ վերմակներ՝ բոլորովին նոր ու մաքուր. չը նայած աղբոր, ազնուական հիւրերը թէև քնելու սովորական ձևակերպութիւնը կը կատարէին, բայց խկապէս չէին քնանար. կը տեսնէի թէ ինչպէս անոնց ամեն մէկը իր ընտրած ձևով կարգի կը դնէր ու պատրաստի կը պահէր իր սուրն ու հրացանը, ու պառկած ատեն հրացանը կը մնար մէկ ձեռքին ու սուրը միւսը. կարծես թէ աղոնք իրարու վրայ յարձակուելու ու իրարու կոտորելու տրամադրութեան մէջ լինէին:

Արեւածագէն առաջ, Աշիրաթապետը դուրս գալով իր կանանոցէն, կը հեծնէր իր ձին և հովուզովով կ'արշաւէր իր ցեղի այս սւ աշն բաժինը իր այցերը տալու, ու կը վերադառնար ճաշին:

Ճաշը որ կ'եփուէր վրանային խոհանոցի բաժնին մէջ.— Մեծ մեծ պղինձներով փխլաւ էր, որ կարող էր կերակրել քաղաքացի մարդու երկու հարիւրը, ինչպէս և մի քանի գառներ ու ոչխարներ՝ որոնք կը խորովուէին ողջ ողջ, ու կը լեցուէին անոնց փորերը բրինձով ու համմմներով:

Աշիրաթապետի վերադառնալէն ու հանգստանալէն յետոյ՝ կ'սկսի հացկերոյթը. մի մեծ սինի որ բոլորակի՝ կը բռնէր վրանի ճաշարահի մեծ մասը, կը լեցուէր փխլաւով ու իր բարձրութեամբ բուրգի կամ լեռան ձև կ'ստանար: Աշիրաթապետը նստելով սեղանի յատկացուած տեղը՝ իր շուրջը